

# ТОШКЕНТ ҲАҚИҚАТИ

1928 йил 11 декабрда асос солинган

## Қарор ва ижро

Ўзбекистон автомобиль ва дарё транспорти агентлигининг вилоят ҳудудий бўлими томонидан Паркент туманида аҳолига транспорт хизмати кўрсатиш ҳамда шаҳар ва қишлоқларда автобуслар орқали йўловчилар ташиш тизими янада такомиллаштириш масаласига бағишланган йиғилиш ўтказилди.

## TRANСПОРТ ХИЗМАТИ КЎРСАТИШ ЯНАДА ЯХШИЛАНАДИ

Унда Халқ депутатлари Паркент ва Оқори Чирчиқ туман кенгашлари депутатлари, маҳалла фуқаро-лар йиғинлари раислари ҳамда ушбу туманларда йўловчи ва юк ташвиш билан шуғулланаётган корхоналар мутасаддилари иштирок этди.

Йиғилишда Ўзбекистон Республикаси Президентининг 2017 йил 10 январдаги "Аҳолига транспорт хизмати кўрсатиш ҳамда шаҳарлар ва қишлоқларда автобусларда йўловчилар ташиш тизимини янада такомиллаштириш чора-тадбирлари тўғрисида"ги Қарори ҳамда вилоят ҳокимининг мазкур масалага доир қарорининг мазмун-моҳияти, шу асосда белгиланган вазифалар ва уларнинг ижросини таъминлаш бўйича амалга ошириладиган ишлар атрофида муҳокама этилди.

Тадбирда ҳудудларда йўловчи ва юк ташуви тақвирлар раҳбарларининг бу борада амалга ошираётган ишлари ва истиқболдаги вазифалар

тўғрисидаги ахбороти тинг-ланди. Таъкидланганидек, 2017-2021 йилларда аҳолига қулайлик яратиш мақса-дида вилоят ҳудудларида қўшимча автобус йўналиш-ларини очиб, жамоат транспортларини харид қилиш ва янги автостанция-лар қуриш ҳамда ре-конструкция қилиш бўйича махсус режа-ҳадвал иш-лаб чиқилган бўлиб, унга кўра, 178 та янги автобус со-тиб олиниши белгиланган.

Ушбу режа асосида изчил иш олиб борилмоқ-да. Хусусан, жорий йил-нинг ўтган даврида ви-лоят ҳокимлигининг "Тош-кент вилоятида 2017-2021 йилларда йўл-транспорт ва инженер-коммуника-ция инфратузилмасини модернизация қилиш ва ривожлантириш дастури"-га асосан Қуйи Чирчиқ, Паркент ва Оҳангарон ту-манларида автостанция-ларни реконструкция қилиш учун 655 миллион сўм йўналтирилди.

Дастур доирасида Ангрэн, Олмалиқ ва Чир-чиқ шаҳарлари ҳамда Пар-

кент, Оққўрғон, Бўка, Қуйи Чирчиқ, Ўрта Чирчиқ, Бекобод, Қибрай, Чиноз, Зангиота ва Бўстонлиқ туманларида аҳолига транспорт хизмати кўрсатиш бўйича 42 та янги йўналиш ташкил этиш ва мавжудлари фаолиятини қайта кўриб чиқиш, шу-нингдек, Чирчиқ, Олмалиқ, Бекобод, Бўка, Фазалкент, Дўстобод, Оққўрғон, Пар-кент, Пискент, Тўйтепа, Оҳангарон, Янгийўл ва Қибрай автошоҳбekaтла-рини қуриш, мукаммал таъмирлаш бўйича вази-фалар белгиланган.

Йиғилишда депутатлар томонидан жойларда на-зорат пунктлари қуриш, транспорт қатнови шохбе-катларига кузатув камера-лари ўрнатиш, ҳудудлар-даги автотранспорт воси-талари ҳаракатланадиган ички йўллари жорий таъ-мирлаш ва реконструкция қилиш бўйича тақвирлар билдирилди.

Юлдузхон МУҲИДДИНОВА,  
"Тошкент ҳақиқати"  
мухбири.

## БИТИРУВЧИНИНГ ИЛК МАОШИ

Ўтган йили коллеж-ни тугатган Шаҳло ту-мандаги янги очил-ган тикувчилик корх-онасига ишга кирди. Онаси қизининг би-ринчи маошини кў-лига оларкан, қувонч билан дуо қилиб, бошлаган ишига ри-вож тилаган эди. Ҳозир эса Шаҳ-лонинг ўзи қатори кўплаб дугоналари, маҳалладаги уй бе-калари ҳам Қибрай туманидаги "TEXTILE CHEMICAL SOLUTIONS" масъулия-ти чекланган жамия-ти тикувчилик корх-онасида меҳнат қил-моқда. Аини пайтда мажмуада 170 чевар тикувчилик, дизай-нерлик каби бир қатор йўналишларда табиий толали мато-лардан болалар ва катталар учун кийим-кечаклар тикишапти.



### Имконият

Тайёрланаётган маҳ-сулотларнинг асосий қисмини экспортга чи-қариш бўйича ҳаракат-лар олиб борилмоқда.

Ишлаб чиқаришда замонавий ускуна ва жиҳозлар кенг қўлла-нилаётгани самара-дорликни ошириб,

маҳсулот сифати ях-шиланишига хизмат қилмоқда. Корхона жамоаси бир ойда ўртача 405 миллион сўмлик маҳсулот иш-лаб чиқарапти.

Ишчиларга қулайлик яратиш мақсадида доимий автобус қатнови йўлга қўйилди. Шунинг-дек, дам олиш хонаси ва ошхона тикувчилар их-тиёрида.

– Коллежни тамомла-ганимдан кейин ота-нам билан маслаҳат-лашиб, шу корхонада иш бошладим, – дей-ди Шаҳло Тоирова. – Аини пайтда қадоклаш бўлимида кийимларни

жойлаш билан шуғул-ланаман. Ишимиз жи-дий эътибор талаб қилади. Келгусида ти-кувчилик қабсини яхши ўрганиб, ўз тадбиркор-лик фаолиятини бош-лашни ҳам мақсад қил-ганман.

Йил бошида чеварлар жамоаси туман агрот-жорат ва Бўстонлиқ туманидаги Товоқсой иқтисодиёт ва тадбир-корлик қасб-хунар кол-лежи битирувчиларини ишга қабул қилиш юза-сидан ҳамкорликни йўлга қўйган. Шунинг-дек, ўқувчиларнинг иш-лаб чиқариш амалиёти-ни ташкил этиш бўйи-

ча ҳам барча шароит-лар яратилган. Бўлажак тикувчилар дарсдан ташқари вақтларда ма-лакали мутахассислар-дан амалиёт орқали қасб-хунар сирларини ўрганадилар.

Корхона маъмурияти келгусида ҳудуд аҳоли-си учун қўшимча иш ўринларини ташкил қи-лиш юзасидан тижорат банкининг туман фили-али билан янги истиқ-болли режалар ишлаб чиқди.

Абдулазиз МУСАЕВ,  
"Тошкент ҳақиқати"  
мухбири.  
Мансур НАХАЛЛОВ  
олган суратлар.

## СИНОВЛАР ОРТДА ҚОЛДИ, ЭНДИ ХИЗМАТТА

Вилоятимизда ҳам Президентимиз Шавкат Мирзиёевнинг 2016 йил 21 декабрдаги "Ўзбеки-стон Республикаси фуқароларини мuddатли ҳар-бий хизматга навбатдаги қақуриви ҳамда белги-ланган хизмат мuddатларини ўтаб бўлган ҳарбий хизматчиларни Қуролли Кучлар резервида бў-ша-тиш тўғрисида"ги Қарорига биноан йигитларни мuddатли ҳарбий хизматга тантанали кузатиш ма-росимлари ўтказилмоқда.

### Мардлар қўриқлайди, Ватанни!

Мудофаа ишлари бошқармаси йигин пунк-тида бўлиб ўтган на-вбатдаги ана шундай ма-росимда Ўзбекистон му-дофаасига қўмақлашув-чи "Ватанпарвар" таш-килот, "Маҳалла" хай-рия жамоат фонди ҳуд-удий бўлиmlари, "Қамо-лот" ёшлар ижтимоий ҳаракати вилоят кенга-ши ва бошқа ташкилот-лар вакиллари, ҳарбий-лар, бўлажак аскарлар-нинг ота-оналари ишти-рок этди.

Тадбирда мамлақати-миз Қуролли Кучлари тизимида амалга оши-рилаётган кенг қўламли ислохотлар ўз самараси-ни бераётгани, осойиш-талигимиз, сарҳадлари-миз дахлсизлигини таъ-минлашга қодир, замо-навий қурол-яроғ ҳамда техника билан таъмин-ланган миллий армиямиз шакллангани, ўғлонлари-

мизнинг ҳарбий хизмат-га қизиқиши ва интилиши тобора ошиб бораётга-ни алоҳида таъкидлан-ди.

Ўз йигитлик бурчини ўташга отланган қақури-лувчилар орасида Бў-стонлиқлик Асадбек Али-қулов ҳам бор. Спорт-нинг бир қатор турлари билан мустақил шуғул-ланиб келаётган Асад-

бек мактаб ва коллежда аъло баҳоларга ўқи-б, тенгдошларига ўрناк бўлди.

– Синовлардан муваф-фақиятли ўтиб, хизмат-га отланганимдан хур-сандман, – дейди у. – Ниятим – хизматда ко-мандир ва бошлиқлар томонидан берилган топ-шириқларни вақтида, талаб даражасида бажари-ш, билдирилган ишон-чи ҳар томонлама оқ-лаш, элу юртимиз тинч-лиги ва осойишталиги-ни таъминлаш йўлида садақат билан хизмат қилишдан иборатдир.

Маросимда янграган куй-қўшиқлар иштирок-чилар кайфияти янада кўтаринки бўлишини таъ-минлади.

Мурод САЛИМ.



## КЎМИР САНОАТИНИНГ ИСТИҚБОЛЛАРИ

"Ўзбеккўмир" акциядорлик жамияти томони-дан пойтахтимизда ўтказилган матбуот анжумани "Соҳани истиқболли ривожлантириш бос-қичлари" мавзуга бағишланди.

### Анжуман

Соҳа мутасаддилари ва оммавий ахборот воситалари вакиллари иш-тирок этган тадбирда "Ўзбеккўмир" акциядор-лик жамияти Бош дирек-тори ўринбосари Носир-жон Умаров, жамият қурилиш бошқармаси бошлиғи Мирзоҳид Ко-милов ва бошқалар мам-лақатимиз аҳолиси, кор-хона ва ташкилотларга кўмир маҳсулотлари етказиб бериш бўйича амал-га оширилаётган ишлар хусусида сўз юритди.

Таъкидланганидек, қарийб 70 йилдан бери фаолият юритиб келаёт-ган "Ўзбеккўмир" тизими-да кейинги йилларда

кенг қўламли ишлар амалга оширилмоқда. Ху-сусан, "Кўмир саноатини 2017-2021 йилларда ри-вожлантириш ва модер-низация қилиш" бўйича дастур лойиҳаси ишлаб чиқилган бўлиб, унга кўра, умумий қиймати 690,5 миллион долларлик олтита инвестицион лойиҳа ҳаётга татбиқ эти-лади. Аини кунда қий-мати 165 миллион доллар бўлган Ангрэн шахтасини қуришнинг дастлабки техник ва иқтисодий асослари ишлаб чиқил-моқда. Бу борадаги иш-лар мамлақатимизда 2021 йилгача кўмир қазиб олиш умумий ҳаж-

мини 3,1 баробар оши-риш имконини беради.

Маълумотларга кўра, юртимизда 5,7 миллиард тонна атрофида кўмир захираси мавжуд. "Ўз-беккўмир" тасарруфидоги корхоналарда ҳар йили 4 миллион тонна шу турда-ги маҳсулот қазиб оли-ниб, энергетика, ижти-моий ва коммунал соҳа-лар ҳамда аҳолига етказиб берилмоқда.

Анжуманда Қорақалпо-ғистон Республикаси ва вилоятларда 84 та кўмир омбори қуриш ва уларни брикет ишлаб чиқариш ускуналари билан жиҳоз-лаш ишлари бошлаб юборилгани, бу ишлар-га 45,4 миллиард сўм йўналтирилиши кўзда ту-тилаётгани алоҳида таъ-кидланди.

Холамурад САЛИМОВ,  
"Тошкент ҳақиқати"  
мухбири.

### Маънавият

Давлатимиз раҳбари Ўзбекистон Республи-каси Конституцияси қабул қилинганнинг 24 йиллигига бағишланган тантанали маросимда-ги маърузасида ёш авлод тарбияси ҳақида га-пира туриб, Абдурауф Фитрат бобомизнинг мана бу ибратли фикрларини жуда топиб айт-дилар: "Халқнинг аниқ мақсад сари ҳаракат қилиши, давлатманд бўлиши, бахтли бўлиб, иззат-ҳурмат топиши, жаҳонгир бўлиши ёки заиф бўлиб, хорликка тушиши, бахтсизлик юки-ни тортиши, эътибордан қолиб, ўзгаларга тобе ва қул, асир бўлиши уларнинг ўз ота-оналари-дан болалиқда олган тарбияларига боғлиқ..."

## ТАРБИЯ ОИЛАДА БОШЛАНАДИ

Таълим даргоҳида давом этади

Илмий тадқиқотларда таъкидланишича, одам ҳаёти давомидаги маълумотларнинг 70 фоизини жуда эрта, яъни болалик йилларида олар экан. Етти ёшигача олган тарбиясига қараб боланинг хулқ-атвори шаклланиб бўлади. Шу боис, ота-онага тар-бия борасида катта масъулият юкланади. Бунинг учун, уларнинг ўзлари ҳар жиҳатдан ўрناк бўлиш-лари, мунтазам китоб ўқишлари, айтган сўзларига амал қилишлари лозим. Алломанинг тарбиячининг ўзи тарбияланган бўлмоғи лозим, деган фикрида жуда катта фалсафий маъно бор.

Давоми 4-бетда. ➡

## БОҒЧА КЎРГАН БОЛА МАКТАБДА ҚОҚИЛМАЙДИ

Ҳаётдан рози бўлиб, хотиржам умргузаронлик қилиш учун одам-га, аввало, энг улуг неъмат – тинчлик керак. Осойишталик бар-қарор экан, барча эзгуликлар, жумладан, қабул қилинаётган қону-ну қарорлар ижросини изчил таъ-минлаб бориш имкониятлари ҳам

кенгайверади. Давлатимиз раҳба-рининг барча фармон, қарор ва фармойишлари айнан юрт тинчли-ги ва халқ фаровонлигига қара-тилгани билан муҳим аҳамиятга эга бўлиб, фуқаролар томонидан зўр мамнуният билан кутиб олинмоқда.

### Қишлоқдан мактаблар

Жумладан, Ўзбеки-стон Республикаси Пре-зидентининг 2016 йил 29 декабрдаги "2017-2021 йилларда мактаб-гача таълим тизимини янада такомиллашти-риш чора-тадбирлари

тўғрисида"ги Қарори-нинг фоят муҳим ва дол-зарблиги ҳақида ортиқ-ча гапиришнинг ҳожати йўқ. Зеро, пойдевори нобоп бинонинг мустаҳ-кам бўлмаслиги кундек равшан.

Мана ҳаётий бир ми-носил. Бизнинг Хондайлик ҳам ҳудуди кенглиги, ҳам аҳолиси кўплиги жиҳатидан нафақат Бў-стонлиқ тумани, балки вилоятда ҳам энг катта қишлоқлардан бири.

Давоми 2-бетда. ➡



2017 йил учун  
«Тошкент ҳақиқати» ва  
«Ташкентская правда»  
газеталарига обуна  
давом этмоқда!

# ТАДБИРКОРНИ ТИНГЛАБ...

Чиноз туманида тадбиркорликни ривожлантириш, ишбилармонларни ҳар томонлама қўллаб-қувватлаш, аҳолини тадбиркорликка кенг жалб этиш ва соҳага оид қонун ҳужжатлари билан таништириб бориш масалаларига алоҳида эътибор қаратилмоқда.

## Жараён

Ҳокимлик, ҳуқуқни муҳофаза қилиш идоралари, банк, солиқ ва бошқа мутасадди ташкилотлар ходимлари иштирокида ўтказилаётган тадбирлар фуқароларни ўйлан-тератиётган масалаларга ечим топишда

самарали бўлмоқда. Тумандаги Чиноз кишлоқ фуқаролар йиғинида ташкил этилган навбатдаги учрашув "Тадбиркорлик субъектларини ишончли ҳимоя қилишнинг қафолатлари" мавзусига бағишланди. Унда

худудда фаолият юритаётган тадбиркорлар, касб-хунар коллежлари битирувчилари, хотин-қизлар ва ўз бизнесини бошлаш ниятида юрган аҳоли вакиллари қатнашди. Тадбирда Президентимизнинг 2016 йил 5

октябрдаги "Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилармонлик муҳитини сифат жиҳатидан яхшилашга доир қўшимча чора-тадбирлар тўғрисида"ги Фармони ва тадбиркорликни ривожлантириш бўйича қабул қилинаётган қонун ҳужжатлари, шунингдек, яратилаётган шарт-шароитлар, ҳуқуқий

қафолатларнинг мазмун-моҳияти хусусида сўз юритилди. Ўтказилаётган бундай учрашувлар, халқ билан яқиндан очиқ мулоқот қилиш жойларда кичик бизнес ва хусусий тадбиркорликни янада ривожлантириш, фуқароларнинг ҳуқуқий саводхонлигини ошириш, юзага келган муаммоларни бартараф этиш имконини бериши билан аҳамиятлидир. **Ўз мухбиримиз.**

## 2017 йил – Халқ билан мулоқот ва инсон манфаатлари йили

Ўзбекистон тарихи давлат музейида Ўзбекистон Республикаси Миллий ҳавфсизлик хизмати чегара қўшиқлари ҳарбий қисми ташаббуси билан ҳарбий хизматчилар ва уларнинг оилалари иштирокида мамлакатимиз раҳбарининг давлат ва жамият тараққиётига оид фармон ва қарорлари ижроси доирасида очиқ мулоқот уюштирилди.

# ДИЛДАН СУҲБАТ – КЎНГИЛГА РАҒБАТ

Мулоқотда Ўзбекистон Республикаси Ҳарбий прокуратураси, Тошкент шаҳар адлия бошқармаси мутахассислари, фуқаролик ҳолати

далолатномаларини ёзиш бўлимлари, тиббиёт, бандликка кўмаклашиш маркази ходимлари иштирокчиларни қизиқтирган саволларга

атрофлича жавоб беришди. Жумладан, ҳарбий хизматчиларнинг оила аъзоларини ишга жойлаштириш, никоҳни қайд этиш, тиббий кўриқдан ўтиш, фарзандларга гувоҳнома бериш, рўйхатга туриш борасидаги қонун-қоидалар ва яратилаётган қулайликлар ҳақида сўз борди.

**Ўз мухбиримиз.**  
Қобилжон ҒОҒУРОВ олган сурат.



## БОҒЧА КЎРГАН БОЛА МАКТАБДА ҚОҚИЛМАЙДИ

Хондайлик йирик кишлоқ бўлиш бораборида йил сайин тўрт томонга жуда тез кенгайиб бормоқда. Афсуски, кўришиллар бошланган даврда маҳаллийчилик дардига мубтало бўлган кишлоқ раҳбарлари боғчани ҳамма учун қулай жойга эмас, марказдан жуда олис – энг қуйи ҳудуддаги кимсасиз майдонда қурдирган эдилар. Оқибатда аҳолининг кўпчилиги болаларини боғчага бермади. Устига-устак боғчага ишга жойлашган хизматчилар ўз касбининг мутахассислари эмасди. Шу боис, улар: "Кун ўтса, пул чўнтакка туша бас, иш стажини кетаяпти-ку, мендан кейин нима бўлса бўлавермайди", қабилида иш тутдилар. Бола тарбиясига бундай муносабатнинг охири вой бўлди.

Боғча ёрилди, қаровсиз қолди, бора-бора вайронага айланди. Аслида бир Хондайликда эмас, туманининг кўпгина кишлоқларида ҳам узрли-узрсиз сабабларга кўра энг муҳим ижтимоий соҳалардан бири бўлиши мактабга таълим муассасалари ачинарли аҳволда тушди. Таълим тизимидаги илк бўгининг қисмати шундай бўлган кишлоқларда болаларни ҳар томонлама баркамол қилиб тарбиялаш янада мураккаб вазифага айланади.

Ўтмишда йўл қўйилган бундай нуқсонлар келажакимиз учун сабоқ бўлмоғи керак. Аввало, ҳар биримиз ўзимизни ҳар томонлама ислоҳ қилиб, шахсиятпарастлик, маҳаллийчилик сингари иллатлардан бутунлай фориғ бўлайлик. Атрофдагилар, айниқса, ёшларга мақбул фазилатларимиз билан ибрат кўрсатайлик.

Оқдиди бир ҳақиқатни яхшилаб тушуниб олишимиз жоиз. Қабул қилинаётган қарорлар фуқаролар, амалга оширилаётган бунёдкорликлар ким учун аслида? Буларнинг бари юрт ободлиги ва эл фаровонлиги йўлидаги саъй-ҳаракатлар эканини халқимиз теран англаши лозим. Ҳар бир фуқаро ўзининг холис фикр-мулоҳазаларини дарду ҳасратларини очик-ошкора айтсин, деган мақсадда Президентимиз томонидан жорий йилга "Халқ билан мулоқот ва инсон манфаатлари йили" дея ном берилди. Энди мулоқотларда фаол иштирок этиб, оммавий ахборот воситаларида долзарб мавзулардаги чиқишлар билан бу каби муаммоларни бартараф қилишимиз лозим.

**Асад АСИЛ,**  
Ўзбекистон Ёзувчилар уюشمаси аъзоси, меҳнат фахрийси.

## Таълим муассасалари ҳаётидан

Ўзбекистон Республикаси Президенти Шавкат Мирзиёевнинг 2016 йил 30 декабрь кунги мамлакатимиз бир гуруҳ илм-фан намоёндалари, давлат ва жамоат ташкилотлари, Фанлар Академияси аъзолари, етакчи олий таълим муассасалари ректорлари билан учрашувини барча зиёлилар катта қизиқиш билан кутиб олди.


# КОЛЛЕЖДА АКАДЕМИК САБОҚЛАРИ

Мамлакатимизда илм-фанни янада ривожлантириш йўлидаги мазкур учрашувдан келиб чиқадиган ҳулосаларни изчил ўрганиш мақсадида вилоятимиз шаҳар ва ту-

манларида очик мулоқотлар ташкил этилмоқда. Бугун мамлакатимизнинг ишлаб чиқариш ва аграр тармоқларида инновацион фаолият самардорлигини ошириш, бу

жабҳада илм-фан ютуқларидан кенг фойдаланиш, илмий-техник салоҳиятга эга ёш кадрларни тарбиялашга катта эътибор қаратилаяпти. Вилоят ўрта махсус, касб-хунар таълими бошқармаси томонидан тизимдаги ўқув муассасаларида ташкил этилаётган амалий-услубий семинарлар худди шу мақсад рўёбига хизмат қилмоқда.

Хусусан, Қуйи Чирчиқ транспорт касб-хунар коллежидан "Олий таълим билан ҳамкорлик доирасида "Ўстоз-шогирд" тизимининг афзалликлари"



## ВИЛОЯТ ҲАЁТИ/ВИЛОЯТ ҲАЁТИ/ВИЛОЯТ ҲАЁТИ/ВИЛОЯТ ҲАЁТИ/ВИЛОЯТ ҲАЁТИ

### Ёшлар учун ўқув маркази

Чиноз туманидаги "Ёшлик" маҳалла фуқаролар йиғини худудида "Покизахон" ўқув маркази фаолият бошлади. Маҳаллий тадбиркор Нилуфар Нишонановнинг ташаббуси ва саъй-ҳаракати билан очилган ушбу марказда худуддаги ёшлар ўзлари қизиққан 16 турдаги касб-хунар йўналишлари бўйича таҳсил олиб, малака оширишлари мумкин.

Очиги, анчадан буюн мана шундай ўқув маркази ташкил этиш ниятида юргандик, – дейди Н. Нишонанова. – Республикаимизда тадбиркорликни ривожлантириш учун берилаётган кенг имкониятлар, яратилаётган шарт-шароит ушбу режани амалга оширишда қўл келди. Туманимиз ёшлари ўзлари танлаган касб-хунар сирларини ўрганиб, ҳаётда ўз йўлларида топиларига ҳисса қўшсам яна бир орузим ушалган бўларди.

Айни кунда ушбу марказда йигит-қизлар бухгалтерия, ҳамширалик иши, сарторошлик, қандалаччилик, пазандалик, тикши-бичиш, шунингдек, инглиз ва рус тили каби йўналишлар бўйича ўқишни бошлаб юборганлар.

**Сурайё ҚОСИМОВА.**

### Ишлаб чиқариш ҳажми ортмоқда

Олмалик тоғ-кон металлургия комбинати акциядорлик жамияти мис эритиш заводида соатида 60-80 тонна махсуслати қайта ишлаш қувағига эга бўлган янги печь сновдан ўтказилаяпти.

Германиянинг "Engeneering Dobersek GmbH", ORMETO-YUMZ компаниялари, "Элемент курлиш" шўба корхонаси, "Олмалик металлургурилиш" трести, ихтисослаштирилган таъмир ишлари

ва ишлаб чиқаришни автоматлаштириш бошқармалари ҳамкорлигида бунёд этилган ушбу ускуна унумдорлиги, эритишни штейн ёки металл дараҳасингача оlib борган ҳолда, хом ашёлардаги барча

фойдали компонентларни утилизация қилиш имкониятини юкорилиги билан ажралиб туради. Таъкидлаш жоизки, янги печнинг тўлиқ қувват билан ишлаши заводнинг ҳомақи мис ишлаб чиқариш ҳажмини йилга 70 минг тоннагача ошириши мумкин.

**Анас ИСРОИЛОВ.**

### Соғлом турмуш тарқиши тарғиботи

"Камолот" ёшлар ижтимоий ҳаракати Ангрэн шаҳар кенгаши ва "Биз соғлом турмуш тарғиботи" акциясининг "Саломатлик посбонлари" кўнгилли ёшлари ҳамкорлигида маънавий-маърифий тадбир ташкил этилди.

Унда шаҳардаги 6-умумтаълим мактаби ва кўмир саноати касб-хунар коллежи ўқувчилари иштирок этди. "Эрта туғуруқ ва қариндошлар ўртасидаги никоҳнинг салбий оқибатлари" ҳамда "ОИВ/ОИТС,

ғиёҳвандликка қаршимиз" мавзуларидаги давра суҳбатларида соғлом турмуш тарзини шакллантириш, тиббий, ҳуқуқий маданиятни ошириш ҳақида сўз борди.

**Саида ИҚРОВОВА.**

## «Тошкент ҳақиқати»га жавоб берадилар

# «ЯНА НИМА НИМА ДЕЙСИЗ?»

## ёхуд тарафларнинг бетараф эмаслиги хусусида

Газетамизда Ўрта Чирчиқ туман деҳқон бозори фаолиятига доир танқидий мақола чоп этилган, унда мавжуд муаммо ва камчиликлар тилга олинган эди. (Қаран: "Ким беради-ё "терминал"ни-ё..." "Тошкент ҳақиқати", 2017 йил, 8 февраль).

Мазкур мақола юзасидан "Ўрта Чирчиқ туман деҳқон бозори" МЧЖ раҳбаридан мактуб олдик. Унда қайд этилишича, мақолада кўрсатилган камчиликлар тадбиркорлар, акциядорлик тижорат "Халқ банки" туман филиали мутасаддилари иштирокида муҳокама қилинган. Мажлис баённомаси ва йиғилиш қароридан шу нарса англашиладики, ички имкониятдан келиб чиққан ҳолда, мақолада тилга олинган бир қатор камчиликлар бартараф этилган. Шунингдек, бозорда савдо қилаётган тадбиркорлар банк пластик терминаллари билан таъминлангани. Бу хабардан кейин "Юз марта эшитгандан бир марта кўрган яхши", деган ўйда бозорни қайта бориб кўрдик. Дарвоза катта очик, одамлар бемалол кириб чиқаяпти, бозор худуди ва ёндош кўчалар озода, тикилнч пайдо қилганча савдо қилаётганлар йўқ, бир қадар орасталлик бор...

Нишимиз давомида баъзи тадбиркорлар "Нақди – асал" дегандек, банк терминаллари имкон қадар рад этилишича, мақолада кўрсатилган камчиликлар тадбиркорлар, акциядорлик тижорат "Халқ банки" туман филиали мутасаддилари иштирокида муҳокама қилинган. Мажлис баённомаси ва йиғилиш қароридан шу нарса англашиладики, ички имкониятдан келиб чиққан ҳолда, мақолада тилга олинган бир қатор камчиликлар бартараф этилган. Шунингдек, бозорда савдо қилаётган тадбиркорлар банк пластик терминаллари билан таъминлангани. Бу хабардан кейин "Юз марта эшитгандан бир марта кўрган яхши", деган ўйда бозорни қайта бориб кўрдик. Дарвоза катта очик, одамлар бемалол кириб чиқаяпти, бозор худуди ва ёндош кўчалар озода, тикилнч пайдо қилганча савдо қилаётганлар йўқ, бир қадар орасталлик бор...

Ана шунча гаплар, ҳурматли газетхон. Демокчимизки, туман бозоридидаги аҳолини ўнглаш учун ички имконият ва салоҳият мавжуд экан, нега то бу ҳақда матбуот орқали бонг урилганча қадар бирон амалий иш қилинмади, дейишга ҳақлимиз. Халқимизда "Ҳечдан кўра кеч яхши" деган мақол бор. Шу маънода, бозор маъмурияти, банкнинг ўрта Чирчиқ тумани филиали раҳбарларининг кечикиб бўлса-да, мав-

жуд муаммони ўнглашга қилган ҳаракатлари, пировардида, худуд аҳолиси манфаатларига хизмат қилишини, одамларни қанча асабузарлик, дилхиралдан халос этишини таъкидламоқчимиз. Худудни кўздан кечириш асносида мева-чева растасида тадбиркорлар билан суҳбатлашаётган "Ўрта Чирчиқ туман деҳқон бозори" МЧЖнинг эндигина иш бошлаган раҳбари Хушнуд Исмоилов билан юзлашдик. Маълум бўлишича, айни пайтда бозор янги худудга кўчаётган, ҳозирча, кийим-кечаклар растасигина ўз ўрнида қолгани ҳолда, озиқ-овқат ва мева-чева маҳсулотлари савдоси янги жойда йўлга қўйилмоқда экан. "Бозорком"нинг таъ-

кидлашича, Тўйтепа шаҳри вилоятнинг маъмурий марказига айланаётгани боис, кўчалар, марказий майдонлар кенгайишига эҳтиёж туғилияпти. Шунинг учун ҳам бозор эндиликда аввалги ўрнидан узоқ бўлмаган янги худудга – кенг ва шинамасканга кўчирилмоқда. "Аслида ажратилган янги жой бозоримиз савдогарлари учун бегона эмас. Чунки, якшанба кунлари бўладиган катта бозор бу ерга сифмаслигини инобатга олиб, аввалдан дам олиш кунлари ўша ерда савдо-сотик йўлга қўйилган эди. Ўзингиз кўриб турибсиз, ҳозирги худудимиз кичкина, барча тадбиркорларга жой ажратиб беришга қийналяпти. Бундан ташқари, биноларимиз ҳам таъмирталаб аҳволда, – дейди Х. Исмоилов. – Тўғри, аҳоли дабдурустан янги жойга ўрганиши, бозоримиз илгаригидек гавжум жойга айланиши дастлабки босқичда қийин туолар. Лекин, биз келажакни ўйлаб, шаҳар маъмуриятини кўлаб, бу қарорнинг нақадар одилона ечим бўлганини тушуниб етишимиз керак..."

**Беҳзод ҚОБУЛОВ,**  
**Қобилжон ҒОҒУРОВ**  
(суратлар),  
"Тошкент ҳақиқати"  
мухбирлари.

## Сўраган эдингиз ВАСИЯТНОМАЛАР ҚАНДАЙ ТАСДИҚЛАНАДИ?

– Ўзимга тегишли бўлган мол-мулк юзасидан васиятнома тасдиқлатмоқчи эдим. Васиятномалар қандай тартибда тасдиқланади, қийинчалик унга ўзгартириш киритиш ёки бекор қилиш мумкинми?

**Шарофжон ҲУРОЛОВ,**  
Олмалик шаҳри.

– Ўзбекистон Республикаси "Нотариат тўғрисида"ги Қонунининг 45-моддасига асосан, нотариуслар муомалага лаёқатли фуқароларнинг қонун ҳужжатлари талабларига мувофиқ тузилган ва уларнинг ўзлари нотариусга шахсан тақдим этган васиятномаларини тасдиқлайди. Васиятномаларни вакиллар орқали тасдиқлаш йўл қўйилмайди. Васиятномани тасдиқлаб беришда васият қилувчидан унинг васият қилинаётган мол-мулкка бўлган ҳуқуқини тасдиқловчи далилларни тақдим этиш талаб қилинмайди. Мазкур қонуннинг 46-моддасига мувофиқ, нотариуслар, васиятномани бекор қилиш тўғрисида ариза, шунингдек, васиятномани бекор қилувчи ёки ўзгартирувчи янги васиятнома олинган тақдирда васиятноманинг нотариусда сақланаётган нусхасига ва нотариал ҳаракатларни рўйхатга олиш реестрига бу хусусда белги қўяди. Васиятномани бекор қилиш ҳақидаги аризага қўйилган имзо нотариал шаходатлини лозим.

**Шухрат ЮНУСОВ,**  
Зағиота тумани  
ДНИ нотариуси.

